

სახელმწიფო ბიუჯეტის ძირითადი პარამეტრები და მათი სრულყოფის პროცესი

ირაკლი ჩხაიძე

სტუ-ს დოქტორანტი

XX

საბაზრო ეკონომიკაზე გადასვლის წინაპირობაა ეკონომიკაში პოლიტიკური თავისუფლების არსებობა. რაც თავის მხრივ, მართვის დემოკრატიული ფორმების არსებობის შემთხვევაში ბიუჯეტისათვის დამახასიათებელია ტრანსპარენტობა და შედეგებზე პასუხისმგებლობა. ტრანსპარენტობა საკანონმდებლო ხელისუფლების მიერ მოწონებული მიზნებისათვის ფონდების გამოყენებას გულისხმობს. თვით ბიუჯეტი უნდა იყოს ტრანსპარენტირებული. ბიუჯეტმა ნათლად უნდა ასახოს ერთი მხრივ, ხარჯების დანიშნულება ხოლო, მეორე მხრივ, ფონდების გამოყენების კონტროლის შესაბამისი მექანიზმები, კონტროლის მექანიზმის გამოყენება თავის მხრივ ანგარიშების მოწესრიგებას მოითხოვს.

სახელმწიფო ბიუჯეტს საფუძვლად უდევს სახელმწიფო პროგრამა და მისი შესრულების განსაზღვრა. პროფესორი გ. გამსახურდია აღნიშნავს, რომ „სახელმწიფო ბიუჯეტის შედგენისა და შესრულების მდგომარეობა, მისი შედეგები სახელმწიფო პროგრამით გათვალისწინებული პრობლემების გადაწყვეტის ეფექტურობას გამოხატავს. თავის მხრივ, სახელმწიფო პროგრამა იმ ამოცანებისა და მიზნების მისაღწევად ჩატარებულ მოქმედებათა თანმიმდევრული წყობაა, რომელთა განხორციელება, ქვეყნის საფინანსო-ეკონომიკური მდგომარეობის ანალიზიდან გამომდინარე, რეალურად არის შესაძლებელი. აღნიშნულიდან გამომდინარე, ყოველი სახელმწიფო პროგრამის მიზანია, რომ დაკმაყოფილებულ იქნეს მოსახლეობის მოთხოვნები. ამიტომ სახელმწიფო ბიუჯეტის მიზნებისა და შესრულების კრიტერიუმების დადგენას განსაკუთრებული მნიშვნელობა ენიჭება საბაზრო ეკონომიკაზე გადასვლის პირობებში, რაც, თავის მხრივ, მოითხოვს შესაბამისი საჭირო მეთოდის დამუშავებას, რომელიც საშუალებას მოგვცემს განვსაზღვროთ მოსახლეობის მოთხოვნები და ისიც, თუ რამდენად ასრულებს მათ მთავრობა. მეთოდის შედგენა ერთია, მაგრამ მთავარია მისი ქვეყნის საფინანსო-ეკონომიკური მდგომარეობიდან გამომდინარე განხორციელება“.

სოციალური მოთხოვნილების ფაქტორებად ითვლება ისეთი მაჩვენებლები, როგორიცაა: შრომისნაყ-

ოფიერება, სამუშაო დატვირთვა, საწყისი რესურსები და შედეგები, იმისათვის, რომ განისაზღვროს მოსალოდენლი მისაღწევი შედეგები, ბიუჯეტის შედგენის საწყის ეტაპზე ყურადღება უნდა გამახვილდეს სწორედ ამ სოციალურ მაჩვენებლებზე. დასახული მიზნის მისაღწევად არსებული არაერთი გზებიდან აუცილებელია შეირჩეს ყველაზე ეფექტიანი, იაფი გზა, რომელიც მთელი წლის განმავლობაში, წლის დასაწყის კვარტლებში გამოყოფილი ხარჯების მსყიდველობით უნარიანობის მაჩვენებლებს შორის სხვაობას გაითვალისწინებს, რადგან ინფლაციის გამო, ეროვნული ვალუტის კურსებს შორის წლის განმავლობაში არსებობს გარკვეული სხვაობა. აუცილებელია ასევე პროგრამის შესრულებისათვის შესაბამისი სტრატეგიის შერჩევისას ყურადღება მიექცეს ხარჯების და მოგების ღრმა ანალიზის წინასწარ ჩატარებას.

პროფესორ რევაზ კაკულიას შეხედულებით, ბიუჯეტი ასრულებს ოთხ ფუნქციას, ესენია:

1. ერთობლივი ეროვნული პროდუქტისა და ეროვნული შემოსავლის გადანაწილება;
 2. ეკონომიკის სახელმწიფოებრივი რეგულირება და სტიმულირება;
 3. სოციალური პოლიტიკის ფინანსური უზრუნველყოფა;
 4. ფულადი სახსრების ცენტრალიზებული ფონდების ფორმირებისა და გამოყენებაზე კონტროლი.
- პროფესორი გივი გამსახურდიას აზრით, ბიუჯეტი ასრულებს ეროვნული შემოსავლის გადანაწილების ფუნქციას და აღნიშნულს უმატებს კიდევ სამ ფუნქციას:
1. საზოგადოების კოლექტიურ მოთხოვნილებათა დაკმაყოფილებისათვის ფინანსური რესურსების გამოყენების ფუნქცია;
 2. ეროვნული შემოსავლის რეგულირებადი განაწილების უზრუნველყოფის ფუნქცია;
 3. ქვეყანაში ეკონომიკური სტაბილიზაციის ფუნქცია.

საქართველოს ეკონომიკა რთული სახალხო მეურნეობრივი კომპლექსია, რომლის სხვადასხვა სექტორები ვითარდებიან არათანაბრად იმის გამო, რომ

საზოგადოების სოციალური მოთხოვნა განვითარების სხვადასხვა საფეხურზე ცვალებადია, ხოლო წარმოება ცდილობს მოერგოს ამ მოთხოვნებს. ამასთანავე, წარმოების ნორმალური ფუნქციონირება შესაძლებელია მისი ყველა სტრუქტურული ქვედანაყოფის ერთმანეთთან ორგანული კავშირის არსებობის შემთხვევაში.

საქართველოს ეკონომიკის სხვადასხვა ნაწილის შეთანხმებული ფუნქციონირება მიიღწევა მისი რეგულირების მეშვეობით, რომლის ქვეშ იგულისხმება ცალკეული სტრუქტურული ქვედანაყოფის ზრდის ტემპების ცვლილებები, რომლებსაც განაპირობებს საზოგადოების მოთხოვნილებებში ცვლილებები.

საქართველოს ეკონომიკის რეგულირება ხორციელდება თვითღირებულების მეშვეობით. საზოგადოებრივი წარმოების სხვადასხვა რგოლში იგი ხასიათდება ისეთი საფინანსო ბაზრის შექმნით, რომლებსაც აყალიბებენ და იყენებენ თვით წარმოების მონაწილენი.

თვითღირებულება ემყარება მეურნეობრივი სუბიექტების საქმიანობის თავისუფლებას, მათ მიერ პარტნიორების არჩევას და მათთან ურთიერთკავშირის ფორმების შერჩევას. ამ შემთხვევაში საბაზრო მექანიზმს არ შეუძლია უზრუნველყოს შემოსავლების განაწილება დემოკრატიული საზოგადოების მიზნების შესაბამისად. კრიზისის დროს ბაზარი სუსტად ზემოქმედებს ეკონომიკის სტაბილურობაზე, ამიტომ წარმოიქმნება აუცილებლობა ეკონომიკის რეგულირების დამატებითი მექანიზმების შექმნისათვის. აქვე უნდა შევნიშნოთ, რომ ეკონომიკის თვითრეგულირებასთან ერთად, საზოგადოების წარმოების სტრუქტურაზე ზემოქმედებას ახდენს ეკონომიკაში სახელმწიფოს ჩარევა. სახელმწიფოს ჩარევა ქვეყნის ეკონომიკაში განპირობებულია იმ ამოცანების გადაწყვეტით, რომლებიც დაკავშირებულია საზოგადოებრივ მოთხოვნილებათა დაკმაყოფილებასთან, ეკონომიკის განვითარების პრიორიტეტული მიმართულებების მხარდასაჭერად. სწორედ ამიტომ არის, რომ განვითარებული საბაზრო ეკონომიკის ქვეყნებში ფინანსური რეგულირება ფართოდ გამოიყენება სამეურნეო პრაქტიკაში.

ბიუჯეტის დინამიკაზე მოქმედ საერთო ზოგად კატეგორიულად მეცნიერები მიიჩნევენ ინფლაციის საფუძველზე ფასების შეცვლას, მოსახლეობის მოთხოვნების დონეში ცვლილებებს, პროდუქტიულობის (ეფექტიანობის) შეცვლას და საფინანსო პოლიტიკაში გადაწყვეტილების მიღების ახალ კურსს (ფონდების გადანაცვლება). პროდუქტიულობის შეცვლა,

მიიღწევა ახალ ტექნოლოგიების ინვესტიციების განხორციელებით, ნაკლები ღირებულების რესურსების ან ახალი პროცედურის დანერგვის შედეგად შრომისნაყოფიერების გაზრდით.

საფინანსო სისტემის სექტორებისა და რგოლების სპეციფიკა განსაზღვრავს სახალხო მეურნეობის ღირებულებით პროპორციებს. საწარმოთა ფინანსების რეგულირების შესაძლებლობები გამოიყენება ძირითადად სახელმწიფო ბიუჯეტის დარგობრივი და ტერიტორიული პროპორციების რეგულირებისათვის.

პროფესორი გ. გამსახურდია აღნიშნავს, რომ საბიუჯეტო პროცესში ზემოთ აღწერილი კატეგორიების გამოყენება საშუალებას მოგვცემს ყოველ სამინისტროში, უწყებაში ცვლილებები დახასიათდეს აღნიშნული ფაქტორების მეშვეობით და შემუშავებულ იქნეს მაღალი დონის შემადგამებელი დოკუმენტი მთელი ბიუჯეტისათვის, რომელიც აჩვენებს, როგორც და რატომ შეიცვალა ბიუჯეტის ცალკეული მუხლები წინა წელთან შედარებით. ყოველივე მომავალში მოხსნის ბიუჯეტის დამტკიცებისას ზედაპირულ კამათს და ერთიანი სახელმწიფო პროგრამის შესრულების საზიანოდ ფინანსური რესურსების დამატებითი გამოყოფის მიღწევისათვის ბრძოლას. არ იქნებოდა ურიგო, თუ ამ კეთილმოსურნე შენიშვნას, როგორც პარალამენტი, ასევე აღმასრულებელი ხელისუფლება მომავალში გაითვალისწინებს. წინააღმდეგ შემთხვევაში ფინანსთა სამინისტრო მხოლოდ საბუღალტრო აღრიცხვის ორგანოდ დარჩება ფინანსური რესურსების განწილების თვალსაზრისით და არა პარალამენტთან. მთავრობასთან ერთად სახელმწიფო-ეროვნული ინტერესებიდან გამომდინარე, შემუშავებულ საფინანსო პოლიტიკის სტრატეგიისა და ტაქტიკის გამტარებელ ორგანოდ. ამრიგად, ბიუჯეტის მთავარი მმართველი ფაქტორია პარლამენტის და მთავრობის ერთიანი ძალებით, ქვეყნის საფინანსო-ეკონომიკური მდგომარეობის ანალიზის საფუძველზე განსაზღვრული საფინანსო პოლიტიკა, საფინანსო პროგრამები და არა მხოლოდ ფულადი თანხების ნუსხების, ბალანსირების მიღწევის მეშვეობით, განაწილება და გადანწილება საფინანსო სისტემაში გასავლები და მასთან ერთად შემოსავლები კლასიფიცირებულია გარკვეულ კატეგორიებად, რაც აადვილებს ხარჯების წინასწარ შეფასებას და მომავალი გასავლების დაგეგმვას – საერთო ჯამში ბიუჯეტის შედგენას. ამ კატეგორიების დაყოფის რამდენიმე განსხვავებული პარამეტრი შეიძლება განისაზღვროს, სადაც თითოეული პარამეტრს შეიძლება ჰქონდეს გარკვეული იერარქია დაწყებული

მაქსიმალური დაჯამებიდან, დასრულებული დაწვრილებითი დეტალური ინფორმაციით. ბიუჯეტის გასავლების კლასიფიკაცია შეიძლება ორგანიზებული იყოს იერარქიულად, ისე როგორც საბუღალტრო სისტემაშია. აქ მთავარია, შეირჩეს პარამეტრი შესაბამის იერარქიულ დონეზე, რომ სწორედ იქნეს იგი გამოყენებული ბიუჯეტის შედგენისა და მისი შესრულების პროცესებში. აღნიშნულის განსახორციელებლად ქვეყნის ფინანსთა სამინისტროში ჯერ კიდევ არსებული ცალკეული პირის „იდეოლოგია“ არ გამოდგება. უნდა მოხდეს ამ იდეოლოგიის საბაზრო ეკონომიკის მოთხოვნებიდან გამომდინარე გადასინჯვა, რომელსაც საფუძვლად უნდა დაედოს ბიუჯეტის ფუნდამენტური მმართველი ფაქტორები, მისი კლასიფიკაციის ახალი პარამეტრები.

ნებისმიერი სახელმწიფოს ფუნქციონირებისა და განვითარების ეკონომიკური საფუძველი ფინანსური სახსრები, რომლებიც ძირითადად ფორმირდება გადასახადების ბიუჯეტში შეტანის სახით. თავის მხრივ, სახელმწიფო არსებობისათვის აუცილებელია განსაზღვრული სახელმწიფო ხარჯები, ხოლო ხარჯების დაფარვისათვის საჭიროა სახელმწიფოს შემოსავლების ფორმირება აღნიშნულიდან გამომდინარე, ფინანსების თვალსაზრისით, სახელმწიფო ეკონომიკური როლი სახელმწიფო ხარჯებში გამოიხატება. სახელმწიფო შემოსავლების ფორმირება სახელმწიფო ხარჯების დასაფარავად გულისხმობს შემოსავლების ხარჯებად გადაქცევას. ფულადი რესურსები, რომლებიც წარმოადგენენ ბიუჯეტის შემოსავალს, ამასთანავე, საბიუჯეტო ორგანიზაციებისათვის ისინი წარმოადგენენ ხარჯებს. სახელმწიფო შემოსავლები ერთობლივი საზოგადოებრივი პროდუქტისა და ეროვნული სიმდიდრის თვალსაზრისით წარმოადგენენ ასევე ხარჯებს. ამას ჩვენ იმიტომ ვუსვამთ ხაზს, რომ სახელმწიფო ბიუჯეტის შედგენისას სახელმწიფო ხარჯები წინ უნდა უსწრებდეს სახელმწიფო შემოსავლების განსაზღვრას. აღნიშნული ობიექტურად მოითხოვს ერთობლივი საზოგადოებრივი პროდუქტის და ეროვნული სიმდიდრის განაწილებასა და გადანაწილებას ფულად ფორმაში.

სწორედ სახელმწიფო ხარჯების ანალიზის საფუძველზე არის შესაძლებელი ახსნილ იქნეს სახალხო მეურნეობაში რთული და მრავალმხრივი ფინანსური ურთიერთობები.

სახელმწიფო ბიუჯეტის ფორმირებისას ფინანსური ურთიერთობების ერთ-ერთი მთავარი პრობლემაა შემოსავლებისა და ხარჯების თანაფარდობა

და მათი ურთიერთკავშირი ბიუჯეტში. შემოსავალ და გასავალ ნაწილებს შორის თანაფარდობის ბალანსის მეშვეობით შედგენა განსაზღვრავს საგადასახადო დაბეგვრის მოცულობის შემცირებას ან გაზრდას.

პროფესორ გ. გამსახურდიას მიაჩნია, რომ ხარჯების მართვის სისტემის სრულყოფა გულისხმობს უმცირესი ხარჯებით მაქსიმალური შედეგების მიღწევას. ეს პროცესი კი, როგორც ყველა ეკონომიკური პროცესი, წინააღმდეგობრივი ხასიათისაა. აღნიშნულის მიზეზია ის, რომ სახელმწიფო ხარჯებსა და შემოსავლებს აქვთ თავისი საკუთარი პერიოდულობა. კერძოდ, შემოსავლები ჩვეულებრივად მაღალია მეორე კვარტლის პერიოდში, მაშინ, როდესაც ხარჯები ბიუჯეტის დასაწყისში, მის პირველ თვეებშია განსაზღვრული და, შესაბამისად, იზრდება შემდგომ პერიოდში, მესამე და მეოთხე კვარტლის თვეებში, მათზე მნიშვნელოვან ზეგავლენას ახდენენ უცხოეთის დახმარების წყაროები, რომელთა წარმოდგენის ვადები ზრდიან ან ამცირებენ განსხვავებას შემოსავლებსა და ხარჯებს შორის. აღნიშნულიდან გამომდინარე, ქვეყნის საფინანსო სფეროში დაძაბულობის გათვალისწინებით სახელმწიფო ხარჯებს, როგორც ეკონომიკაზე ზემოქმედების მექანიზმს, მაკროეკონომიკურ მართვაში განსაკუთრებული ადგილი უკავია. ხარჯების მუდმივი ანალიზი ობიექტური აუცილებლობაა და მოითხოვს სამგვარ მიდგომას: ხარჯების პერსპექტიულ დაგეგმვას, ბიუჯეტის დეფიციტის ანალიზს და გაურღვევლობის ფაქტორის მხედველობაში მიღებას. ფინანსური დაგეგმვის ობიექტებია მეურნეობრივი სუბიექტებისა და სახელმწიფო ფინანსური საქმიანობა, ფინანსური გეგმების შედგენა. თავის მხრივ, ფინანსური დაგეგმვა მოიცავს ცალკეულ დაწესებულებათა, ორგანიზაციების ხარჯთაღრიცხვიდან სახელმწიფო კრებსითი ფინანსურ ბალანსამდე ყველა რგოლის მუშაობას. ყველ ფინანსურ გეგმაში განსაზღვრულია გარკვეულ პერიოდში შემოსავლები და ხარჯები. ფინანსური სისტემის ყველა რგოლს თავისი ფინანსური გეგმები აქვს. მათი მაჩვენებელთა შემადგენლობა ასახავს ფინანსური სისტემის თითოეული რგოლის თავისებურებას.

ფინანსური დაგეგმვის კონკრეტული ამოცანები საფინანსო პოლიტიკით განისაზღვრება. იგი გულისხმობს, ჯერ ერთი, სახელმწიფოს ერთიანი საფინანსო პოლიტიკიდან გამომდინარე, ფულადი საშუალებებისა და მათი წყაროების მოცულობების განსაზღვრას, რომელიც აუცილებელია გეგმური დავალებების შესასრულებლად, მეორე, შემოსავლების ზრდის რეზერვების გამოვლენას, დანახარჯებში

ეკონომიის მიღწევას და, მესამე, ცენტრალიზებულ და დეცენტრალიზებულ ფონდებს შორის ფულად საშუალებათა განაწილების ოპტიმალური რაციონალური პროპორციების დადგენას.

ხარჯების პერსპექტიული დაგეგმვა, ფინანსურ სფეროში დაძაბულობის პირობებში, ხელს უწყობს ხარჯების კონკრეტული პრიორიტეტული მიმართულებით წარმართვას. ანალიტიკური მიდგომა საშუალებას იძლევა წინასწარ განსაზღვროს და შეირჩეს, თუ რომელი პროგრამა შესრულდება არსებული რესურსების საფუძველზე და რომელი მათ შორის პროგრამა, რესურსების დეფიციტის პირობებში, პირობითად შეუსრულებელი დარჩება. აღნიშნულიდან გამომდინარე, ხარჯები შეიძლება დაიყოს „მთავრად“ და „არამთავრად“ და შესაბამისად, დაცულ ხარჯებად, რომლის წყაროები წინასწარ ცნობილია და არა დაცულ ხარჯებად, ასეთი მიდგომა საშუალებას იძლევა პროგრამებიდან შეირჩეს ისეთი, რომელიც უმცირესი დანახარჯებით მაქსიმალურ შედეგს მოგვცემს. ხარჯების პროგრამების საფუძველად აღებულ უნდა იქნეს მომავალში სტრუქტურული კანონები, რომლებიც აუცილებელი იქნება ყველასათვის და კორექტირებას კანონიდან გამომდინარე, არ ითვალისწინებს. რამდენადაც ხარ-

ჯები არ ემყარება პერსპექტიულ დაგეგმვას (ინდივიდუალურ გეგმას), ამიტომ ანალიზი უნდა განხორციელდეს ქვეყანაში არსებული რეზერვების გამოვლინებისა და ამოქმედების საფუძველზე და არა სხვათა სხვადასხვა დახმარებების იმედით. აქ კი მთავარია საფინანსო პოლიტიკით განსაზღვრული გასატარებელი ღონისძიებების ანალიზი ბიუჯეტის ნულოვანი ბაზის საფუძველზე განხორციელდეს.

ლიტერატურა:

1. გ. გამსახურდია, ფინანსების როლი საქართველოს გარდამავალ ეკონომიკაში, გამომცემლობა „მერიდიანი“, თბ., 1997.
2. გ. გამსახურდია, საქართველოს საფინანსო პოლიტიკის ძირითადი პრიორიტეტები თანამედროვე ეტაპზე, დისერტაცია ეკონომიკურ მეცნიერებათა დოქტორის სამეცნიერო ხარისხის მოსაპოვებლად, თბ., 1995.
3. რ. კაკულია, ფინანსების ზოგადი თეორია, მესამე შევსებული და გადამამუშავებული გამოცემა, გამომცემლობა-სტამბა შპს „ფინანსები“, თბ., 2001, გვ. 106.